



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-00-1304/22-I
Brčko, 21.11.2022. godine

Z A P I S N I K
sa 241. sjednice Pravosudne komisije Brčko distrikta BiH
održane 21.11.2022. godine, u 08,30 sati sa slijedećim

Dnevni m redom

1. Usvajanje zapisnika sa 240. redovne sjednice Pravosudne komisije Brčko distrikta BiH
2. Donošenje Odluke o formiranju radne grupe za izradu prijedloga Zakona o izmjenama i dopunama Krivičnog zakona Brčko distrikta BiH
(izvjestilac: Dejan Đurović)
3. Inicijativa Dobrinke Milivojević, stečajnog sudije u Osnovnom sudu BD BiH, za izmjene Zakona o stečaju
(izvjestilac: Dejan Đurović)
4. Nominacija člana i zamjenskog člana u RG za izradu nacрта Zakona o oduzimanju i upravljanju imovinom stečenom krivičnim djelom
(izvjestilac: Dejan Đurović)
5. Žalba Svetozara Vasiljevića na Odluku o izboru najuspješnijeg kandidata na poziciju direktora Kancelarije za pravnu pomoć Brčko distrikta BiH broj: SuPK-M-01-127/22 od 18.10.2022. godine
(izvjestilac: Dejan Đurović)
6. Žalba Džemala Zahirovića na Odluku o izboru najuspješnijeg kandidata na poziciju direktora Kancelarije za pravnu pomoć Brčko distrikta BiH broj: SuPK-M-01-127/22 od 18.10.2022. godine
(izvjestilac: Dejan Đurović)
7. Žalba S. M. na rješenje predsjednika Apelacionog suda Brčko distrikta i predsjednika Osnovnog suda Brčko distrikta
(izvjestilac: Dejan Đurović)
8. Žalba Radmila Ivanovića protiv odluke glavnog tužioca Tužilaštva Brčko distrikta BiH, broj: A-509/22 od 04.10.2022. godine
(izvjestilac: Dejan Đurović)
9. Inicijative/zahtjevi službenika i namještenika Osnovnog suda Brčko distrikta BiH i Tužilaštva Brčko distrikta BiH za povećanje plata
(izvjestilac: Dejan Đurović)
10. Donošenje odluke o zahtjevu P. S. za preispitivanje Odluke Pravosudne komisije Brčko distrikta BiH broj SuPK-01- /21 od 09.09.2022. godine
(izvjestilac: Dejan Đurović)
11. Razmatranje molbe Samira Tursunovića o preraspodjeli dijela poslova radnog mjesta advokata u Kancelariji za pravnu pomoć Brčko distrikta BiH
(izvjestilac: Dejan Đurović)

12. Prijedlog za donošenje Odluke o izvršenju popisa i imenovanju Popisne komisije i podkomisija za popis stvari, materijalnih prava, potraživanja i obaveza institucija pravosuđa Brčko distrikta BiH na dan 31.12.2022. godine i predlaganje člana u Centralnu popisnu komisiju
(izvjestilac: Dejan Đurović)
13. Donošenje Odluke o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH
(izvjestilac: Dejan Đurović)
14. Rang lista sa preporukom za izbor kurira u Osnovnom sudu Brčko distrikta BiH
(izvjestilac: Dejan Đurović)
15. Verifikacija Rješenja o prestanku radnog odnosa Mehmedu Šaboviću, referentu za prinudnu naplatu – sudskom izvršiocu u Osnovnom sudu Brčko distrikta BiH
(izvjestilac: Dejan Đurović)
16. Utvrđivanje Liste ocjenjivača direktora Kancelarije za pravnu pomoć Brčko distrikta BiH za 2023. godinu
(izvjestilac: Dejan Đurović)
17. Usvajanje izvještaja o realizovanoj edukaciji na temu „Obrada tajnih podataka“ i donošenje odluke o isplati naknade za održanu edukaciju edukatoru
(izvjestilac: Dejan Đurović)
18. Donošenje odluke o organizaciji seminara na temu „Rodna ravnopravnost“
(izvjestilac: Dejan Đurović)
19. Donošenje rješenja o imenovanju R. R. koji će nadzirati rad za opšte dobro na slobodi osuđenog M. Dž. i rješenja o raspoređivanju M. Dž. na radno mjesto -radnik na održavanju, RJ Vodovod i kanalizacija
(izvjestilac: Dejan Đurović)
20. R a z n o
Informacija o zakonima u skupštinskoj proceduri

PRISUTNI SU:

1. SAFET PIZOVIĆ, predsjednik Komisije,
2. DAMJAN KAURINOVIĆ, predsjednik Apelacionog suda BD BiH,
3. DRAGAN TOMAŠ, v.d. predsjednika Osnovnog suda BD BiH,
4. ZEKERIJA MUJKANOVIĆ, glavni tužilac Tužilaštva BD BiH,
5. ILINKA GAVRIĆ, pravobranilac u Pravobranilaštvu BD BiH,
6. ENVER TURSUNOVIĆ, član Komisije iz reda građana
7. VELIBOR JAKIĆ, član Komisije iz reda građana.

Sjednica počela u 08,37 sati.

Konstatuje se da sjednici prisustvuje sedam članova i da su opravdano odsutni članovi Komisije, Mirsad Čeman, potpredsjednik Ustavnog suda BiH, i Mirko Trifković, član Komisije iz reda građana/potpredsjednik Komisije.

Konstatuje se da sjednici prisustvuje i sekretar Komisije Dejan Đurović.

Predsjednik Komisije otvara 241. redovnu sjednicu Pravosudne komisije sa predloženim dnevnim redom, s tim što predlaže da se isti dopuni na način da se iza predložene tačke 4. dodaje se nova tačka koja glasi: „Davanje saglasnosti na Odluku o nagrađivanju službenika u Tužilaštvu Brčko distrikta BiH broj: A-447/2022 od 14.11.2022. godine“, zatim, iza predložene tačke 8. dodaju se nove tačke koje glase: „Žalba M. S. od 11.11.2022. godine na Odluku o izboru kandidata Komisije za zapošljavanje broj: SuPK-M-01-77/22 od 19.10.2022. godine“, „Žalba Samira Tursunovića protiv Odluke Komisije za zapošljavanje o izboru najuspješnijeg kandidata broj: SuPK-M-01-61/22 od 21.10.2022. godine“ i iza predložene tačke 9. dodaje se nova tačka koja glasi: „Odluka o plati za Dragana Tomaša“.

Predloženi i dopunjeni dnevni red je usvojen jednoglasno, bez primjedbi.

Prelazi se na prvu tačku dnevnog reda.

1. Usvajanje zapisnika sa 240. redovne sjednice Pravosudne komisije Brčko distrikta BiH

Nakon razmatranja zapisnika, konstatuje se da je zapisnik sa 240. redovne sjednice Pravosudne komisije usvojen jednoglasno, bez primjedbi.

2. Donošenje Odluke o formiranju radne grupe za izradu prijedloga Zakona o izmjenama i dopunama Krivičnog zakona Brčko distrikta BiH

Nakon obrazloženja i provedene diskusije, Komisija jednoglasno donosi sljedeću

Odluku

Član 1

Formira se Radna grupa za izradu prijedloga Zakona o izmjenama i dopunama Krivičnog zakona Brčko distrikta Bosne i Hercegovine u sastavu od:

1. Srđan Nedić, sudija Apelacionog suda Brčko distrikta BiH, predsjednik,
2. Nebojša Savić, sudija Osnovnog suda Brčko distrikta BiH, član,
3. Gordana Radovanović, tužilac Tužilaštva Brčko distrikta BiH, član,
4. Merima Mujkić, stručni saradnik za pravne poslove i evropske integracije u Pravosudnoj komisiji Brčko distrikta BiH, član.

Član 2

Radna grupa je dužna da svoj rad organizuje u toku radnog vremena.

Član 3

Smjernice za izradu propisa: Prijedlog propisa iz člana 1. ove odluke uskladiti sa Konvencijom Vijeća Evrope o sprečavanju i borbi protiv nasilja nad ženama i nasilja u porodici, Konvencijom Vijeća Evrope o zaštiti djece od seksualnog iskorištavanja i seksualne zloupotrebe i GRECO preporukama u dijelu koje Brčko distrikt BiH može samostalno provesti.

Član 4

Rok za izradu: Radna grupa je dužna, u skladu sa Odlukom o proceduri i izradi propisa iz nadležnosti Pravosudne komisije („Službeni glasnik Brčko distrikta BiH“, broj: 49/14), nakon sačinjavanja nacrtu i sprovođenja postupka konsultacija, prijedlog propisa iz člana 1. ove odluke utvrditi i dostaviti Stručnoj službi Pravosudne komisije zajedno sa obrazloženjem i potpisanim zapisnicima o radu do 21.03.2023. godine, dakle, ovaj zadatak se mora izvršiti u periodu od 21.11.2022.-21.03.2023. godine (rok četiri mjeseca).

Član 5

Ova odluka stupa na snagu danom donošenja.

3. Inicijativa Dobrinke Milivojević, stečajnog sudije u Osnovnom sudu BD BiH, za izmjene Zakona o stečaju

Nakon obrazloženja i provedene diskusije, Komisija je jednoglasno donijela zaključak da se uputi odgovor podnosiocu inicijative Dobrinki Milivojević, stečajnom sudiji u Osnovnom sudu BD BiH, u pravcu vođenja diskusije na sjednici.

4. Nominacija člana i zamjenskog člana u RG za izradu nacrtu Zakona o oduzimanju i upravljanju imovinom stečenom krivičnim djelom

Nakon obrazloženja i provedene diskusije, Komisija je jednoglasno nominovala predstavnike u radnu grupu za izradu Nacrta Zakona o oduzimanju i upravljanju imovinom stečenom krivičnim djelom, i za člana navedene radne grupe predlaže Dejana Đurovića, sekretara Pravosudne komisije Brčko distrikta BiH a za zamjenskog člana Radeta Mitrovića, stručnog saradnika za poslove upravljanja privremeno oduzetom imovinom u Pravosudnoj komisiji Brčko distrikta BiH.

5. Davanje saglasnosti na Odluku o nagrađivanju službenika u Tužilaštvu Brčko distrikta BiH broj: A-447/2022 od 14.11.2022. godine

Nakon obrazloženja, Komisija jednoglasno donosi sljedeću

Odluku

Daje se saglasnost na Odluku o nagrađivanju službenika u Tužilaštvu Brčko distrikta BiH broj: A-447/2022 od 14.11.2022. godine, u pogledu vrste i visine nagrade.

6. Žalba Svetozara Vasiljevića na Odluku o izboru najuspješnijeg kandidata na poziciju direktora Kancelarije za pravnu pomoć Brčko distrikta BiH broj: SuPK-M-01-127/22 od 18.10.2022. godine

Konstatuje se da se izuzimaju članovi Komisije za zapošljavanje na poziciji direktora Kancelarije za pravnu pomoć Brčko distrikta BiH broj: SuPK-M-01-127/22 od 18.10.2022. godine, kao i predsjednik Komisije po razmatranju i odlučivanju po ovoj i tački broj 7.

Nakon obrazloženja, Komisija je sa četiri glasa donijela sljedeću

Odluku

Žalba Svetozara Vasiljevića iz Brčkog, izjavljena protiv odluke Komisije za zapošljavanje broj: SuPK-M-01-127/22 od 18.10.2022. godine, se odbija kao neosnovana.

7. Žalba Džemala Zahirovića na Odluku o izboru najuspješnijeg kandidata na poziciju direktora Kancelarije za pravnu pomoć Brčko distrikta BiH broj: SuPK-M-01-127/22 od 18.10.2022. godine

Nakon obrazloženja, Komisija je sa četiri glasa donijela sljedeću

Odluku

Žalba Džemala Zahirovića iz Brčkog, izjavljena protiv odluke Komisije za zapošljavanje broj: SuPK-M-01-127/22 od 18.10.2022. godine, se odbija kao neosnovana.

Konstatuje se da ponovo sjednici prisustvuju predsjednik Komisije Safet Pizović i glavni tužilac u Tužilaštvu Brčko distrikta BiH, Zekerija Mujkanović.

8. Žalba S. M. na rješenje predsjednika Apelacionog suda Brčko distrikta i predsjednika Osnovnog suda Brčko distrikta

Konstatuje se da se predsjednik Apelacionog suda Brčko distrikta BiH izuzima po raspravljanju i odlučivanju po ovoj tački.

Nakon obrazloženja, Komisija je jednoglasno donijela sljedeće

Rješenje

Žalba S. M. iz _____, izjavljena protiv rješenja predsjednika Apelacionog suda Brčko distrikta BiH i predsjednika Osnovnog suda Brčko distrikta BiH broj: SuPK/____/18 od 21.10.2022. godine, se odbija kao neosnovana.

Konstatuje se da sjednici prisustvuje izuzeti član Komisije.

9. Žalba Radmila Ivanovića protiv odluke glavnog tužioca Tužilaštva Brčko distrikta BiH, broj: A-509/22 od 04.10.2022. godine

Konstatuje se da se glavni tužilac izuzima po raspravljanju i odlučivanju po ovoj tački, i da u radu sjednice prisustvuje predsjednik Apelacionog suda.

Nakon obrazloženja, Komisija jednoglasno donosi sljedeće

Rješenje

Žalba tužioca Radmila Ivanovića se uvažava i rješenje glavnog tužioca Tužilaštva Brčko distrikta BiH, broj: A-509/2022 od 04.10.2022. godine preinačava na način da se zahtjev tužioca Radmila Ivanovića za isplatu jednokratne novčane pomoći zbog teške bolesti člana uže porodice od 23.08.2022. godine usvaja, tako da mu se isplaćuje novčana pomoć u visini od dvije prosječne neto plate isplaćene u Brčko distriktu Bosne i Hercegovine prema zadnjem objavljenom statističkom podatku, u iznosu od 2.061,56 KM, zbog teške bolesti supruge.

10. Odluka o imenovanju direktora Kancelarije za pravnu pomoć Brčko distrikta BiH

Konstatuje se da se predsjednik Komisije izuzima po ovoj tački i da sjednicom predsjedava Damjan Kaurinović, predsjednik Apelacionog suda Brčko distrikta.

Nakon obrazloženja, Komisija je jednoglasno donijela sljedeću

Odluku

Na radno mjesto „direktor Kancelarije za pravnu pomoć“ u Kancelariji za pravnu pomoć Brčko distrikta BiH imenuje se Safet Pizović, sin Kasima, iz Brčkog, na mandat od 4 (četiri) godine.

Imenovani je dužan stupiti na dužnost dana 30.12.2022. godine.

Za Safeta Pizovića, direktora Kancelarije za pravnu pomoć Brčko distrikta BiH, utvrđuje se osnovna plata u okviru X (desetog) platnog razreda, 4 (četvrti) podrazred, koeficijent 5,682001, u iznosu od 3.717,17 KM (trihiljadesedamstotinasedamnaest i 17/100 konvertibilnih maraka).

11. Žalba M. S. od 11.11.2022. godine na Odluku o izboru kandidata Komisije za zapošljavanje broj: SuPK-M-01-77/22 od 19.10.2022. godine

Konstatuje se da se izuzimaju članovi Komisije Damjan Kaurinović i Safet Pizović.

Nakon obrazloženja, Komisija jednoglasno donosi sljedeću

Odluku

Žalba S. M. iz _____ izjavljena protiv Odluke o izboru kandidata Komisije za zapošljavanje broj: SuPK-M-01-77/22 od 19.10.2022. godine, se odbija kao neosnovana.

12. Žalba Samira Tursunovića protiv Odluke Komisije za zapošljavanje o izboru najuspješnijeg kandidata broj: SuPK-M-01-61/22 od 21.10.2022. godine

Konstatuje se da se Dragan Tomaš, v.d. predsjednika Osnovnog suda Brčko distrikta BiH izuzima po ovoj tački.

Nakon obrazloženja, Komisija je odlučila da se predmetna tačka skine s dnevnog reda za sledeću sjednicu, i zadužuje se Stručna služba Komisije da sačini cjelovitu analizu po istoj.

Konstatuje se da se član Komisije Dragan Tomaš ponovo uključio u rad sjednice.

13. Inicijative/zahtjevi službenika i namještenika Osnovnog suda Brčko distrikta BiH i Tužilaštva Brčko distrikta BiH za povećanje plata

Nakon obrazloženja, Komisija je jednoglasno donijela zaključak da predsjednik Komisije i sekretar Komisije obave sastanak sa predsjednikom Skupštine na temu inicijative službenika i namještenika u pravosuđu.

14. Donošenje odluke o imenovanju Jelene Jekić

Konstatuje se da se po ovoj tački izuzimaju članovi Komisije predsjednik Komisije, Safet Pizović, predsjednik Apelacionog suda Damjan Kaurinović i glavni tužilac Zekerija Mujkanović.

Nakon toga, Komisija jednoglasno donosi sljedeću

Odluku

Na radno mjesto „stručni saradnik“ u Apelacionom sudu Brčko distrikta BiH imenuje se Jelena Jekić, kći Milorada, diplomirani pravnik, iz Brčkog.

Imenovana je dužna stupiti na rad dana 25.11.2022. godine, a stupanjem na rad zasniva radni odnos na neodređeno vrijeme u Apelacionom sudu Brčko distrikta BiH.

Stupanjem na rad imenovana se svrstava u VIII (osmi) platni razred, 4 (četvrti) podrazred, koeficijent 3,115949, osnovna plata u iznosu od 2.038,45 KM (dvijehiljadetridesetosam i 45/100).

Konstatuje se da sjednici prisustvuju izuzeti članovi Komisije.

**15. Donošenje odluke o zahtjevu P. S. za preispitivanje Odluke Pravosudne komisije
Brčko distrikta BiH broj SuPK-01-304/21 od 09.09.2022. godine**

Nakon obrazloženja, Komisija jednoglasno donosi sljedeću

Odluku

Zahtjev P. S. od 11.10.2022. godine za preispitivanje odluke Pravosudne komisije Brčko distrikta BiH broj SuPK-01-___/21 od 09.09.2022. godine se odbacuje kao nedopušten.

16. Donošenje odluke o plati za Dragana Tomaša

Nakon obrazloženja, Komisija jednoglasno donosi sljedeću

Odluku

Član 1

Za Dragana Tomaša, vršioca dužnosti predsjednika Osnovnog suda Brčko distrikta BiH, utvrđuje se osnovna mjesečna plata u iznosu od 4.792,00 KM (četirihiljadesedamstodevedesetidvijekonvertibilnemarka i 00/100).

Član 2

Osnovna mjesečna plata iz člana 1, ove Odluke povećava se za 0,3 % za svaku punu godinu radnog staža, najviše do 40 godina.

Član 3

Ova Odluka se primjenjuje počev od 10.11.2022. godine.

**17. Razmatranje molbe Samira Tursunovića o preraspodjeli dijela poslova radnog
mjestu advokata u Kancelariji za pravnu pomoć Brčko distrikta BiH**

Nakon obrazloženja, Komsija je jednoglasno donijela sljedeći

Zaključak

Molba Samira Tursunovića za preraspoređivanje na dio poslova radnog mjesta advokata u Kancelariji za pravnu pomoć Brčko distrikta BiH se odbacuje kao nedopuštena.

18. Prijedlog za donošenje Odluke o izvršenju popisa i imenovanju Popisne komisije i podkomisija za popis stvari, materijalnih prava, potraživanja i obaveza institucija pravosuđa Brčko distrikta BiH na dan 31.12.2022. godine i predlaganje člana u Centralnu popisnu komisiju

Nakon obrazloženja, Komisija je jednoglasno donijela sljedeću

O D L U K U

o izvršenju popisa i imenovanju popisne komisije i podkomisija
za popis stvari materijalnih prava, potraživanja
i obaveza institucija pravosuđa brčko distrikta bih
na dan 31.12.2022.godine.

I

Da se sa stanjem na dan 31.12.2022. godine izvrši redovan popis stalnih sredstava, popis gotovine kratkoročnih potraživanja i razgraničenja, popis zaliha i popis ostalih sredstava u svim institucijama Pravosuđa Brčko distrikta BiH.

Imenuje se Popisna komisija za Pravosuđe Brčko distrikta BiH u slijedećem sastavu:

1. ALMIRA PITNJAKOVIĆ, predsjednik Komisije, (Pravosudna komisija)
2. NIKOLA DABIĆ, član Komisije, (Osnovni sud)
3. AMELA PEZEROVIĆ, član Komisije (Apelacioni sud)
4. AIDA PJEVIĆ, član Komisije, (Tužilaštvo)
5. DRAGANA POPIĆ, član Komisije, (Kancelarija za pravnu pomoć)
6. HUSEIN DŽAFIĆ, član Komisije, (Pravobranilaštvo)

II

Imenuje se podkomisija za Pravosudnu komisiju u slijedećem sastavu:

1. SNJEŽANA JOKANOVIĆ, član-koordinirator
2. BRANKO MIŠIĆ, član
3. ALDIN HADŽAJLIĆ, član
4. IVICA JURIC, član

Imenuje se podkomisija za Apelacioni i Osnovni sud u slijedećem sastavu:

1. NIKOLA DABIĆ, član-koordinirator
2. AMELA PEZEROVIĆ, član
3. ADNAN MORANKIĆ, član
4. NERMIN SEJDIĆ, član
5. NERMIN ŠADIĆ, član

Imenuje se podkomisija za Tužilaštvo u slijedećem sastavu:

1. AIDA PJEVIĆ, član-koordinator
2. JASMIN TURSUNOVIĆ, član
3. BILJANA SAMOUKOVIĆ, član

Imenuje se podkomisija za Kancelariju za pravnu pomoć u slijedećem sastavu:

1. DRAGANA POPIĆ, član-koordinator
2. SAMIR TURSUNOVIĆ, član
3. MIRSADA FAZLIĆ, član

Imenuje se podkomisija za Pravobranilaštvo u slijedećem sastavu:

1. HUSEIN DŽAFIĆ, član-koordinator
2. TATJANA JOVIČIĆ, član
3. OGNJEN SIMEUNOVIĆ, član

III

Popisna komisija je dužna koordinirati rad podkomisija, sačiniti popisne liste sa pregledom stanja na dan 31.12.2022. godine i iste dostaviti Centralnoj popisnoj komisiji Vlade Brčko distrikta BiH najkasnije do 15.01.2023. godine.

Popisna komisija će podnijeti izvještaj o popisu stalnih sredstava; popisu gotovine, kratkoročnih potraživanja i razgraničenja; popisu zaliha i popisu ostalih sredstava za svaku pravosudnu instituciju, Pravosudnoj komisiji, najdalje do 10. januara 2023. godine.

IV

Prilikom obavljanja popisa članovi Komisije i podkomisija, dužni su se pridržavati Uputstva o radu popisnih komisija, obavljanju popisa sredstava, potraživanja i obaveza, Centralne popisne komisije Vlade Brčko distrikta BiH.

V

Ova odluka stupa na snagu danom donošenja, i dostavlja se Centralnoj popisnoj komisiji Vlade Brčko distrikta BiH.

19. Donošenje Odluke o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH

Nakon obrazloženja i provedene diskusije, Komisija je jednoglasno donijela sljedeću

Odluku o raspisivanju
javnog konkursa za popunjavanje upražnjenih radnih mjesta
u pravosuđu Brčko distrikta BiH

1. Sekretar Pravobranilaštva Brčko distrikta BiH, (na određeno vrijeme- mandat od četiri godine) 1 (jedan) izvršilac,
2. Predsjednik Vijeća za izlaganje podataka o nekretninama i utvrđivanju prava na zemljištu u Odjeljenju za javni registar Vlade BD BiH, (na određeno vrijeme, radi zamjene odsutnog službenika) 1 (jedan) izvršioc.

Prijave na konkurs podnose se od 23.11.2022. godine do 07.12.2022. godine.

20. Rang lista sa preporukom za izbor kurira u Osnovnom sudu Brčko distrikta BiH

Nakon obrazloženja i provedene diskusije, konstatuje se da je Komisija je jednoglasno u skladu sa odbredbom člana 38. stav (3) Zakona o službenicima i namještenicima Brčko distrikta BiH potvrdila izbor Borisa Žarkića, kandidata koji je ostvario najveći broj bodova, nakon provedene procedure za izbor „kurira u Osnovnom sudu Brčko distrikta BiH“.

21. Verifikacija Rješenja o prestanku radnog odnosa Mehmedu Šaboviću, referentu za prinudnu naplatu – sudskom izvršiocu u Osnovnom sudu Brčko distrikta BiH

Nakon obrazloženja, konstatuje se da je Komisija jednoglasno verifikovala Rješenje Pravosudne komisije Brčko distrikta BiH, broj: SuPK-01-1198/22-I od 28.10.2022. godine.

22. Utvrđivanje Liste ocjenjivača direktora Kancelarije za pravnu pomoć Brčko distrikta BiH za 2023. godinu

Konstatuje se da se predsjednik Komisije izuzeo po ovoj tački.

Nakon obrazloženja, Komisija je jednoglasno utvrdila Listu ocjenjivača direktora Kancelarije za pravnu pomoć Brčko distrikta BiH za 2023. godinu, u sastavu:

1. Damjan Kaurinović,
2. Dragan Tomaš,
3. Zekerija Mujkanović.

Konstatuje se da se predsjednik Komisije uključio u rad sjednice.

23. Usvajanje izvještaja o realizovanoj edukaciji na temu „Obrada tajnih podataka“ i donošenje odluke o isplati naknade za održanu edukaciju edukatoru

Nakon obrazloženja, Komisija jednoglasno donosi sljedeću

Odluku

Nalaže se finansijskoj službi Pravosudne komisije Brčko distrikta BiH da na ime naknade za izvršenu edukaciju na seminaru na temu „Obrada tajnih podataka“ održanom dana 25.10.2022. godine u Brčkom, edukatorima

- Mati Miletiću pomoćniku ministra – zaposlenom u Ministarstvu sigurnosti Bosne i Hercegovine, isplati iznos 170,25 KM (stotinusedamdeset KM i 25/100),
- Munibu Isakoviću šefu Odsjeka za propise, dozvole i industrijsku sigurnost u Ministarstvu sigurnosti Bosne i Hercegovine isplati iznos 170,25 KM (stotinusedamdeset KM i 25/100),
- Ognjenu Zekiću, šefu Odsjeka za tehničke standarde i nadzor Ministarstvu sigurnosti Bosne i Hercegovine, isplati iznos 170,25 KM (stotinusedamdeset KM i 25/100),
- te na ime troškova prevoza iznos od 199,68 KM (stotinudevedesetdevet KM i 68/100 KM), na tekući račun Muniba Isakovića.

24. Donošenje odluke o organizaciji seminara na temu „Rodna ravnopravnost“

Nakon obrazloženja, Komisija je jednoglasno donijela sljedeću

Odluku

Pravosudna komisija Brčko distrikta BiH organizuje seminar na temu: „Rodna ravnopravnost“ (Unapređenje znanja i nivoa svijesti o pojmu roda, rodnim normama, metodi gender mainstreaminga, rodnoj ravnopravnosti i jednakom pristupu pravdi, u kontekstu Strategije za unapređenje rodne ravnopravnosti u pravosuđu BiH), za službenike i namještenike u pravosuđu Brčko distrikta BiH, koji će se održati 16. decembra. 2022. godine u sali za edukaciju Pravosudne komisije Brčko distrikta BiH.

Za edukatora na seminaru imenuje se Profesor i doktor Zenaid Đelmo iz Sarajeva.

Edukator ima obavezu da učestvuje u pripremi, kreiranju i sastavljanju dnevnog reda seminara najkasnije 15 dana prije održavanja seminara, da organizuje praktični dio obuke, da pripremi i dostavi određenu temu u formi elektronskog materijala pripremljenog za korištenje u procesu edukacije najkasnije 15 dana prije održavanja seminara, da podnese izvještaj o evaluaciji seminara sa zaključcima seminara u roku od 8 dana od dana završetka seminara i da podnese obračun troškova edukacije uz prilaganje originalnih dokaza i dokumenata u roku od 8 dana od dana završetka seminara.

Pravosudna komisija će obezbijediti tehničku podršku i uslove za održavanje seminara, kao i učešće službenika Pravosudne komisije koji će pomoći edukatoru u vršenju njegove dužnosti i sačinjavanju izvještaja i koji će obavljati ostale poslove koji su od značaja za uspješnu realizaciju seminara.

Pravosudna komisija Brčko distrikta BiH će snositi troškove organizacije seminara, troškove naknade imenovanom edukatoru i troškove prevoza, o čemu će se donijeti posebna odluka.

25. Donošenje rješenja o imenovanju R. R. koji će nadzirati rad za opšte dobro na slobodi osuđenog M. Dž. i rješenja o raspoređivanju M. Dž. na radno mjesto -radnik na održavanju, RJ Vodovod i kanalizacija

Nakon obrazloženja, Komisija je jednoglasno donijela sljedeće

Rješenje

R. R. imenuje se za povjerenika osuđenom M. Dž. i nadzirat će rad za opšte dobro na slobodi imenovanog u Javnom preduzeću „Komunalno Brčko“ d.o.o. Brčko distrikt BiH.

Povjerenik se imenuje na vremenski period od 25 (dvadesetpet) radnih dana izvršavanja rada za opšte dobro na slobodi osuđenog lica.

Povjereniku za nadzor nad osuđenim licem pripada dnevna naknada za rad u iznosu od 2% od prosječne neto plate zaposlenih u institucijama Bosne i Hercegovine za 2021. godinu.

I nakon toga Komisija donosi sljedeće,

Rješenje

Raspoređuje se osuđeno lice M. Dž. na radno mjesto „radnik na održavanju“ RJ Vodovod i kanalizacija u Javnom preduzeću „Komunalno Brčko“ d.o.o. Brčko distrikt BiH.

Osuđeno lice će rad za opšte dobro na slobodi u trajanju od 25 (dvadesetpet) radnih dana obavljati u periodu od 25.11.2022. godine - 30.12.2022. godine.

26. R a z n o

Informacija o zakonima u skupštinskoj proceduri

Sekretar Komisije je upoznao članove Komisije o zakonima u skupštinskoj proceduri.

Sjednici je u 10,37 sati pristupio Željko Lozić, šef finansija u pravosuđu Brčko distrikta BiH, koji je članovima Komisije obrazložio detalje oko nabavke prigodnih poklona za članove Komisije koji su otišli u penziju u toku 2022. godine. Komisija je jednoglasno donijela zaključak da rukovodstvo Pravosudne komisije Brčko distrikta BiH, zajedno sa g. Lozićem, oko navedenog porazgovara sa gradonačelnikom Brčko distrikta BiH.

Kako se više niko nije javio za riječ, 241. redovna sjednica završena je u 10 sati i 41 minut.

Zapisnik vodila
Nataša Kovač

Predsjednik
Pravosudne komisije

Safet Pizović

